

مجموعه ابو الضحیٰ

ماسوا شائبہ سندن دلی تطہیرہ چالش
پر تو حکمت و عرفان الہیہ تلویرہ آتش

ہر ماہ عربی ابتدا سیلہ اون بشندہ نشر اول نور فنون مجموعہ سیدر .

جزو ۳۶ [فی ۱۵ جمادی الآخرہ سنہ ۱۳۰۰] نسخہ سی ۳ فروش

بعض مشاهیره منسوب اقوال

ذکا و درایت ویرکو وضع اولنسه دولت ایچون فوق العاده
برمنع ایراد وجوده کلیدی . چونکه حقا ایله جهلا عوماً اسلامی
ویرکو دفترینه قید ایتدیرمک ایچون دقیقه فوت ایتزل ایدی .
[بوسونه]

اخسا هیچ اولیه جککرینه و سفها همان یارین اوله جککرینه قناعت
حاصل ایتش کبی یشارلر .
[فرانقان]

انسانک اوچ نوع احبابی واردر :
برنجیسی کندیسینی دائماً دوشنور و سور . ایکنجیسی کوردیکی
زمان بیان محبت ایدر . او چنجی نوعی ایسه آندن متضرر اولدیغی
حالده روی دوستی اظهار ایلر .
[شامپفور]

فرانسه قرالی اون دردنجی لونی دیر ایدی که :
« دوستلر آرادم فقط حبله کارلردن بشقه شی بوله مدم . »

« ایشه آدم آرامه لی ، آدمه ایش آرامه لی » قول مشهورینی
الک اول تفوه ایدن ناپولیون بوناپارت ایش .

تاریخ نه در ؟
بو سؤاله عثمانلیلرجه تیمور باش لقبیله مشهور اولان ایکنجی
شارل شو جوابی و بره شد :

— تاریخ مداهنه دن عاری بر شاهد عادلدر . آنی حقزده
حسن شهادته مجبور ایتک ایچون چاره یکانه افعال حسنده بولمقدرد .

اسوه یچ قرالچه سی قرستینا نسوان ایله مصاحبیدن متفر
اولسندن هتج بروقت آنلرله اختلاط ایتز و بوحالک سببنی سؤال
ایدنلره :

« ار ککلری ارکک اولدقلری ایچون دکل قادین اولدقلری
ایچون سو بیورم ؛ قادیلری ایسه قادین اولدقلری ایچون دکل آدم
اولدقلری ایچون سو بیورم . » جوابنی ویرر ایش .

مشهور طالیران فرانسه قرالی اون سکزنجی لوئی یه :
« قرالم ! بن آرتق اختیار اولدم . » دیر ایش . مشار الیه
اون سکزنجی لوئی ایله همسن اولسندن قراله اختیارلدیغنی اخطار
ایچون بوتعیری استعمال ایدرمش .

فرانسز مؤاخذ مشهوری [دیوارول] دن انجهن شبانهلری ترک
ایتدیکی بر زمانده سبب عزلتنی سؤال ایتدکارنده :
« نسوانه سویله میه جک برحاله کلدیکم ورحالی ایسه پک اعلا
طانیدیغم ایچوندر . » جوابنی ویرمشدر .

مشار الیه

« دنیاده هیچ بر آدم یوقدر که مدت عمرنده بخت واقبال بر کره
یانسه کلش اولسون . فقط اوآدم ورودی آننده قبوله مستعد بولنمزسه
او، قبودن کیرر پنجره دن فرار ایدر . » دیر ایش .

مشار الیه صرفیوندن مشهور بوزه حقننده :
 « بوزه بتون عمرینی مصدر ایله مضاف الیه پیننده بکیرمش
 ناموسلی برآدم در . » دیر ایش .

فرانسه ادبای حکما سندن باسقال دیر ایش که :
 « بنم کتابم ، بنم اثرم ، بنم تاریخم ، و یا روماتم دیان مؤلفلم
 نفسلرینه افترا ایدیورلر ! دهها طوغریسی بزم کتابمز ، بزم اثرمز ،
 بزم تاریخ و روماتمز دیلیسدرلر ؛ چونکه کندیلرینه مال ایدندکاری
 شینک قسم اعظمی آخرک مالیدر . »

بعض فرانسز غزتهلری « علم مافوق الطبیعه » مهره سندن
 مشهور [ماله برانش] حقننده تعریضاتده بولملرنندن ، احباسندن بری
 جواب و برمستی تکلیف ایلمکله مشارالیه « هرآی باشنده قوجه برنالیف
 ترهات آمیر وجوده کتیرن آدمار ایله ایشم یوقدر . » دیسدر .

مواخذینندن [ده پره او] نام ذات :
 « بعض اثرل واردر که تصحیح و اصلاح ایچون اوزرلرینه
 بریشمه مرکب دوکمکدن بشقه چاره یوقدر . » دیر ایش .

مشهور دیده رو :
 « مستفرشم کتاب بازار ایسه دیه جکم یوقدر ؛ لیکن زوجه مک
 کوملاک دیکمک و چوراب اورمکدن بشقه برشی بیلدیکنی آرزو اتم . »
 دیر ایش .

اون بشجی لوئیسک اذکیای و کلاسندن موسیو شووازل

جنوه لیلرک منفعتیر سستلکده کی درجه لرینی تفهیم ایچسون دیر ایش که :
 « برجنوه لینک پنجره دن آشاغی آتلا دیغنی کوره چک اولورسه کز بلا
 خوف و توقف آردی صره سرده آتیلک ! چونکه لاقول یوزده بش
 کار واردر . »

مشهور روشفقول « قادیلر ایلاک محبتلرنده عاشق لرینی سورلر .
 لکن بو محبت کسب زوال ایتدکن صگره یالکز عشق سورلر . »
 دیر ایش .

قارنوالک اساس و مصدری

معلومدر که اقوام خرسستیایه هر سنه ات کسبی زماننده بیک
 درلو انجوبه قیافت و انواع تمسخر و رذالتله سوقاقلری طولاشیرلر .
 بودرلو مسخره لقارله الفت ایتماش اولان اقوام عنندنه غایت
 چرکین کوروغنگده اولان بو عادتک بادی امرده ازمنه قدیمه جاهلیه
 بقیاسندن بولندیغنه حکم ایدیه بیلیرسده حقیقت حال بویه دکدر . زیرا
 اکثر اقوامده مشهود اولدیغنی اوزره ادیان پک چوق عاداته غلبه ایش
 فقط بعض ادیانده بالتعذیل مظهر مساعدده اولان و خرسستیانلقده کلیسا
 اربابی طرفندن اتخاذ اولنان عادات کوکلنوب قالمشدر .

دیمک ایسترز که قارنوال دیلان عادت رذالت اشتمال خرسستیا .
 نالغک ظهورندن اول مرعی اولان عادات اقوامدن اولمش اولسه
 ایدی . شناعتی میدانده اولان بویه برعادت سیئیه دین سیچک دخی
 اوائل ظهورنده مساع کوسستماسی ایجاب ایدردی . چونکه هیچ
 بر دین رذالتدن عبارت اولان برعادتی - هر نه مقصدله اولورسه
 اولسون - ابقا ایئر ؛ و فرضا دفعه ؛ و عاملاً القاسنده بعض محظور